

~~Opera~~  
EVSEBII EMISSENI  
EPISCOPI OPERA,

VIDELICET,

*Homilia in Evangelia, que cunctis diebus Dominici totius  
anni, ac ferijs quadragesimalibus legi solent.*

PRÆTEREA

*Homiliae de precipuis anni festiuitatibus.*

POSTREMO

Homiliae ad populum eloquentissimæ & religiosissimæ;  
recens in lucem emissæ.

*Cum triplici indice, scilicet, Homiliarum, rerum & verborum,  
& locorum sacra scripturae explicatorum.*

I  
N  
M  
E  
M  
O  
R  
S



I  
N  
M  
E  
V  
I  
T  
A.

PARISIIS,

Apud Hieronymum de Marnef, & Gulielmum  
Cauellat, sub Pelicano, Monte Dini Illucij.

1575



Coll. Soc. J. X. S. V. Salm. ex lib. no. F. C. G. D. M. de la Lib. de



ORNATISSIMO PRAESVLI

AC DOMINO, DOMINO GABRIE-

*li Boverio Ecclesiae Andegavensis Episcopo di-  
gnissimo, Claudius Fremy salutem &  
pacem per Christum exoptat.*



ON ignoras, ornatissime præ-  
sul, quantopere hac nostra  
infelici tempestate genus hu-  
manum, non secus ac malo  
quodam genio impulsam,  
ad vitia & hæreses præceps feratur, nulla  
nec virtutis, nec honesti, nec timoris deni-  
que diuini habita ratione. Videmus ete-  
nim nostræ memoriæ homines, spretis ca-  
tholicis & antiquis doctoribus sese ad no-  
uos quosdam hæreseum hæresiarchas con-  
uertere: quorum lectione, quæ præclare &  
optimè à patribus sanctis tradita sunt, de-  
struere, ac opiniones prauas iam sopitas, &  
per sancta concilia damnatas omni studio  
innouare conantur. Sed aërem verberant.  
Peribunt enim & ipsi, & eorum scripta tan-  
quam mendacij & errorum plena, & per-

# DOMINICA PRIMA

## A D V E N T V S.

*Cum appropinquasset Iesus Ierosolymam, & venisset Bethphage, ad montem Oliueti, tunc misit duos discipulos suos, dicens eis: Ite in castellum quod contra vos est, & statim inuenietis asinam alligatam, & pullum cum ea: soluite & adducite mihi. Et reliqua, Matthei 21.*

**D** V O S discipulos suos dominus ante se mittit: per quos duo testamenta intelligimus. Hos autem discipulos ipse docuit, Hæc duo testamenta ipse edidit, omnique sapientiae & scientiae plenitudine ea repleuit. Sapientes sunt isti discipuli, & à sapientissimo magistro instructi, sine quorum doctrina nemo sapiens inuenitur. Hos ante se dominus mandat, isti pullum & asinam solunt, eosque solutos ad eum ducunt. Sed quid per asinam, nisi Synagoga: quid per pullum, nisi Gentilis populus figuratur? Illa enim à prophetis domita, & legis pondere onerata erat; hic autem lasciuus erat & indomitus, supra quem nullus unquam hominum sederat. Vterque autem ligatus erat, vterque solutione indigebat. Non poterant solui ab vno, soluuntur à duobus. Nemo enim nisi vtriusque testamenti fide & doctrina, à peccatorum vinculis liberatur. Sequitur: *Et si quis vobis aliquid dixerit, dicitis quia dominus his opus habet, & confestim dimittet eos.* Dominus (inquit) his opus habet: non qualiscunque dominus, sed horum quoque & omnium dominus. Vnde & sine adiectione dicitur dominus. In eo enim quod dominus dicitur, & non additur cuius, omnium dominus esse ostenditur. Quis igitur tenere audeat, quos omnium dominus soluere iubet? *Hoc factum est ut adimpleretur quod scriptum est per prophetam, dicentem: Dicte filiae Sion, Ecce rex tuus venit tibi mansuetus, sedens super asinam, & pullum filium subiugali.* Exposuit euangelista cur dominus omnia hæc agere voluerit, ne fortè inconueniens & indecens hoc alicui esse videretur, vt in illò tam paruo itineris spatio, quasi fatigatus, super